



გამოცემის 102-ე წელი

www.gazetiajara.ge

გაეროს ეროვნული სააგენტოს აჭარის ჰიდრომეტეოროლოგიური ობსერვატორიის ხელმოით



დღეს მოსალოდნელია წვიმა, მთაში - თოვა, დასავლეთის მიმართულების ქარი - 10-15 მეტრი წაშში, ტემპერატურა სანაპირო და შიდამთიან რაიონებში - 12-17, მაღალ მთაში - 3-8 გრადუსი სიბოლო.

ზღვის წყლის ტემპერატურა 14 გრადუსია, ატმოსფერული წნევა - 762 მილიმეტრი.

მომდევნო 2 დღეს მოსალოდნელია უნაღველო ამინდი.

ბამონდის: სამშაბათს, ხუთშაბათს, შაბათს

№139 (25.019)

სამშაბათი, 20 - 21 დეკემბერი, 2022 წ. 50 თეთრი

პირველი ნიუსი

პრემიერ-მინისტრის ხელმძღვანელობით, მთავრობის სხდომა გაიმართა. განიხილეს საკითხი ხულონ ჰესის გამოსყიდვის შესახებ, რომლის საფუძველზეც შედგა შეთანხმება ჰესის სახელმწიფოსთვის გადაცემასთან დაკავშირებით. ასევე, იმსჯელეს საქართველოს მთავრობის დადგენილებების პროექტის - „სახელმწიფოს ახალგაზრდული სტრატეგია 2023-2026“-ის დამტკიცებაზე. აღნიშნული არის პირველი სტრატეგია ახალგაზრდობის სფეროში და იქნება საქართველოს მთავრობის მთავარი სახელმძღვანელო დოკუმენტი ამ მიმართულებაში.

*** გვიცეპრემიერ ლევან დავითაშვილის განცხადებით, საქართველოდან უკრაინაში გენერატორები მიმდინარე წლის ბოლომდე გაიზავლება. „იცით, რომ საქართველოს პრემიერ-მინისტრმა გადაწყვეტილება მიიღო, უკრაინას დაგეხმაროთ გენერატორებით. ეს დავალება სახელმწიფო ელექტროსისტემაში - ჩვენმა სამინისტრომ მიიღო“, - აღნიშნა მინისტრმა. მისივე თქმით, შესყიდვის კონტრაქტი უახლოეს დღეებში დასრულდება.

*** „რესპუბლიკური პარტიის“ თავმჯდომარის განცხადებით, სახალხო დამცველის არჩევის საკითხთან დაკავშირებით მოლაპარაკებებისა და შეთანხმების შესაძლებლობა არსებობს. როგორც ხათუმა სამინისტრომ გუშინ უზრუნველყო განუცხადა, „არის მოლაპარაკებებისა და შეთანხმების შესაძლებლობა, რადგან კანდიდატების სიმრავლე გვაქვს. ოპოზიციას უკვე აქვს საკუთარი პოზიცია დაფიქსირებული. ჩვენ ველოდებით „ქართული ოცნებისგან“ უფრო მკაფიო პოზიციას, რადგან ბოლო შეხვედრაზე ეს მკაფიო პოზიცია დაფიქსირებული არ იყო“.

*** აფხაზეთის ე.წ. პარლამენტის თავმჯდომარის ვიზიტი მოსკოვში ბელარუსის და რუსეთის საპარლამენტო ასამბლეაში მონაწილეობის მისაღებად კიდევ ერთი ნაბიჯია, რათა ბელარუსის მიერ მოხდეს აფხაზეთის ე.წ. დამოუკიდებლობის აღიარება, რაც შემდგომ ბელარუსის და რუსეთის კავშირში აფხაზეთის შეყვანით დასრულდება, - განაცხადა პარტია „ევროპელი დემოკრატების“ თავმჯდომარე პაატა დავითაიამ. მისი განცხადებით, „საქართველოს ხელისუფლებამ სეპარატისტების ლიდერების და რუსეთის ფედერაციის მიერ ბოლო პერიოდში გააქტიურებულ კავშირებზე საქმის კურსში უნდა ჩააყენოს პარტნიორები და საერთაშორისო ორგანიზაციები“.

მომავალი 50 თვეში

ჯილდო - საქართველოს პრაქტიკისთვის

ოთარ ცინაბაძე 599 85 21 14

ქედის მუნიციპალიტეტის 2022 წლის ჯილდო - საუკეთესო პრაქტიკისთვის მიიღო

მუნიციპალიტეტის მერს როლანდ ბერიძეს საქართველოს ადგილობრივი თვითმმართველობათა ეროვნული ასოციაციის (NALAG) მიერ ორგანიზებულ საუკეთესო პრაქტიკის კონკურსზე ჯილდო ნომინაციაში: „გენდერული თანასწორობის ხელშეწყობა და გენდერულად მგრძობიარე მუნიციპალური სერვისების განვითარება“ გადასცეს.

კონფერენცია, რომელსაც საქართველოს ცენტრალური და ადგილობრივი ხელისუფლების, საქართველოში ევროკავშირის წარმომადგენლობის, გაეროს განვითარების პროგრამის საქართველოს ოფისის, სხვადასხვა საერთაშორისო და ადგილობრივი არასამთავრობო ორგანიზაციების წარმომადგენლები, ექსპერტები და მუნიციპალიტეტების პირველი პირები ესწრებოდნენ, ადგილობრივი თვითმმართველობათა ეროვნული ასოციაციის ვიცე-პრეზიდენტმა, თბილისის საკრებულოს თავმჯდომარე გიორგი ტყეშელაშვილმა და აღნიშნა, რომ განსაკუთრებით მნიშვნელოვანია, მუნიციპალიტეტები არა მხოლოდ ქმნიდნენ მუნიციპალური სერვისების მიწოდების კარგ პრაქტიკას, არამედ, საკუთარი გამოცდილების და ცოდნის გაზიარებით, სხვა მუნიციპალიტეტების წარმატებასაც უწყობდნენ ხელს.



საქართველოს ადგილობრივი თვითმმართველობათა ეროვნული ასოციაციის ორგანიზებით გამართულ საუკეთესო პრაქტიკის პროგრამის მეხუთე ეროვნულ კონფერენციაზე 2022 წლის კონკურსში გამარჯვებული 10 მუნიციპალიტეტი დასახელდა.

საქართველოს ადგილობრივი თვითმმართველობათა ეროვნული ასოციაცია დონორი ორგანიზაციების ხელშეწყობით, 2018 წლიდან ახორციელებს საუკეთესო პრაქტიკის პროგრამას (Best Practice Program), რომელიც ევროპის საბჭოს მიერ აღიარებული ინსტრუმენტია კარგი მმართველობის წარმატებული მაგალითების გამოვლენისა და გაზიარებისთვის.

- ეს აღიარება მეტს გვავალდებულებს და მომავალშიც გიზრუნებთ გენდერული თანასწორობის ხელშეწყობისთვის, - გვითხრა როლანდ ბერიძემ.

„მოხელის დღე“ - საქართველოში

დაინა ბაბაიძე 27 48 93

უმაღლესი საბჭოს გენდერული თანასწორობის საბჭოს თავმჯდომარე ფატი ხალვაშვილი ბათუმის შოთა რუსთაველის სახელმწიფო უნივერსიტეტის საჯარო მმართველობის პროგრამის სტუდენტებთან შეხვედრაზე განაცხადა, რომ „პროფესიონალი საჯარო მოხელე წარმატებული სახელმწიფოს საფუძველია“. სტუდენტებმა საკანონმდებლო ორგანოში ექსკურსია, სიმბოლურად, „მოხელის დღეს“ დაუკავშირეს

ფატი ხალვაშვილი სტუდენტებს გენდერული თანასწორობის გამოწვევებზე, თანაბარი გარემო პირობების შექმნის და ქალთა ეკონომიკური გაძლიერების მნიშვნელობაზე ესაუბრა, ასევე, გააცნო უმაღლესი საბჭოს მიერ შემუშავებული გენდერული პოლიტიკის, სამოქმედო გეგმის ცალკეული საკითხები და ხაზი გაუსვა ბიუჯეტის დაგეგმვის პროცესში გენდერული ბიუჯეტირების გათვალისწინების მნიშვნელობას.

უმაღლესი საბჭოს წევრმა უპასუხა სტუდენტების შეკითხვებს.

ჩართულობის ცენტრის ხელმძღვანელმა ცირა ხაჩივილიმ ახალგაზრდებს საკანონმდებლო ორგანოს ადმინისტრაციული შენობა დაათვალიერებინა და გააცნო შენობის ისტორია, წარმო-



მადგენლობითი ორგანოს უფლებამოსილებები, საქმიანობის პრინციპები, საზედამხედველო მექანიზმები, ისაუბრა უმაღლესი საბჭოში და სხვა უწყებებში დასაქმებული საჯარო მოხელეების პროფესიონალიზმის, კომპეტენტურების როლზე, პრაქტიკული უნარ-ჩვევების ჩამოყალიბებისა და გამოცდილების გაზიარების მნიშვნელობაზე რაციონალური გადაწყვეტილებების მიღების პროცესში.

საქართველოში „მოხელის დღე“ საჯარო სამსახურის ბიუროს ინიციატივით დაწესდა და ყოველი წლის 19 დეკემბერს აღინიშნება.

მისიჯი, როგორც მოსახლეობაზე უნდა მივიტანოთ

4

თქვენ როგორ ფიქრობთ?

4

გამოირჩა ერთი გაზეთი «აჭარა»!

ვისაც სურს მიიღოს მაქსიმალურად ზუსტი ინფორმაცია და ობიექტური ანალიზი არა მარტო ჩვენი რეგიონის, სრულიად საქართველოს პოლიტიკური, ეკონომიკური, სოციალური და კულტურული ცხოვრების მთავარი მოვლენების შესახებ, შესაბამისი თხოვნით მიმართოს სადისტრიბუციო ორგანიზაციას «ბათუმი ექსპრესი» (ქ. ბათუმი, ჭავჭავაძის ქ. №90, ტელ: 555 86 12 21). მისი დახმარებით თქვენს მისამართზე მიიღებთ გაზეთ «აჭარის» ყოველ მომდევნო ნომერს. გამოიწერეთ და ითანამშრომლეთ გაზეთ «აჭარასთან»! ჩვენთვის ძვირფასია თითოეული თქვენგანის აზრი! წამოჭრილი პრობლემების შემთხვევაში დაგვიკავშირდით: 577 20 43 55.





აკვაკულტურის ადგილობრივი წარმოების განვითარებისთვის

დარბაზი ბაზაში 27 48 93

აჭარის სოფლის მეურნეობის მინისტრი ზაზა შავაძე და გარემოს დაცვისა და სოფლის მეურნეობის მინისტრის მოადგილე სოლომონ პავლიაშვილი ბათუმში ორგანიზებული აკვაკულტურის განვითარების ასოციაცია „ფორტის“ წარმომადგენლებს შეხვდნენ.

შეხვედრის მონაწილეებმა საქართველოში აკვაკულტურის სექტორში არსებული გამოწვევების იდენტიფიცირებისა და თევზის წარმოების მდგრადობის გაზრდის მიზნით განსახორციელებელ ნაბიჯებზე იმსჯელეს. საუბარი შეეხო თევზის დაავადებების კვლევის ლაბორატორიული კომპონენტის გაძლიერების საკითხს.

სოლომონ პავლიაშვილის განცხადებით, საქართველოსთვის მნიშვნელოვანია აკვაკულტურის ადგილობრივი წარმოების განვითარება და საერთაშორისო ბაზარზე ინტეგრაცია.

„საქართველოს გააჩნია უდიდესი პოტენციალი აკვაკულტურის განვითარებისთვის. ჩვენი მიზანია, სახელმწიფოსა და შესაბამისი სტრუქტურების მხარდაჭერით შეიქმნას ქართული მაღალი ხარისხის პროდუქტი“, - განაცხადა სოლომონ პავლიაშვილმა.

შეხვედრაზე ყურადღება გამახვილდა თევზ-



ის დაავადებების საკითხზე, რაც ამ დარგის განვითარებისა და ჯანსაღი პროდუქტის შექმნის მთავარი შემაფერხებელი ფაქტორია.

აღსანიშნავია, რომ სოფლის მეურნეობის სახელმწიფო ლაბორატორიის დირექტორის თქმით, ლაბორატორიას აქვს სრული მზაობა ახალი კვლევის მეთოდების დასანერგად და ფერმერთა მოთხოვნების დასაკმაყოფილებლად.

შეხვედრა აჭარის სოფლის მეურნეობის მინისტრის მხარდაჭერით გაიმართა. მას აჭარის სსიპ „ლაბორატორიული კვლევითი ცენტრის“, სურსათის ეროვნული სააგენტოს, სოფლის განვითარების სააგენტოს, სოფლის მეურნეობის სახელმწიფო ლაბორატორიისა და აჭარის ავტონომიური რესპუბლიკის თვითმმართველობის წარმომადგენლები ესწრებოდნენ.

კორეაში ქართული ღვინის, ალკოჰოლური სასმელების და სასურსათო პროდუქტების ექსპორტის ზრდის შესაძლებლობები განიხილეს

დარბაზი ბაზაში 27 48 93

გარემოს დაცვისა და სოფლის მეურნეობის მინისტრის მოადგილე იშვილი ნოზაძემ კორეის რესპუბლიკის დელეგაციის წევრებს შეხვდა. იური ნოზაძემ საქართველოსა და კორეის რესპუბლიკის შორის 30-წლიანი დიპლომატიური ურთიერთობის მნიშვნელობის შესახებ ისაუბრა და სავაჭრო-ეკონომიკური ურთიერთობების გაღრმავების სურვილი გამოთქვა.



მა მზარდია, რაც ექსპორტის ზრდისთვის მნიშვნელოვან ფაქტორს წარმოადგენს.

მინისტრის მოადგილის განცხადებით, ქვეყნებს შორის გარემოს-დაცვითი მიმართულებით ეფექტიანი თანამშრომლობის პრაქტიკა უკვე რამდენიმე წელია არსებობს.

იური ნოზაძემ ყურადღება დაუქცოლო ტერიტორიების განვითარების მიმართულებით საუკეთესო პრაქტიკების გაზიარების საკითხზე გაამახვილა.

შეხვედრაზე საუბარი შეეხო საქართველოს მიერ „Busan World Expo 2030“-ის კორეის რესპუბლიკაში ჩატარების იდეის მხარდაჭერის მნიშვნელობას.

გარემოს დაცვისა და სოფლის მეურნეობის სამინისტროში გამართულ შეხვედრას სამინისტროს შესაბამისი უწყებების ხელმძღვანელები და სავაჭრო საქმეთა სამინისტროს წარმომადგენლები ესწრებოდნენ.

გამოძიება სსკ-ის 188-ე მუხლის მეორე ნაწილით დაიწყო

დაიწყო გამოძიება 27 48 93

ბათუმში მდებარე რესტორან „გოქში“, რომელიც საცხოვრებელი კორპუსის ბოლო სართულზე მდებარეობს, 18 დეკემბერს, გვიან დამით ხანძარი გაჩნდა.

რესტორანი სარემონტო სამუშაოების გამო დაკეტილი იყო. რესტორნის ტერიტორია მთლიანად დაიწვა, თუმცა ცეცხლი კორპუსის სხვა სართულებზე არ გავრცელდა. შემთხვევის შედეგად არავინ დაშავდა.

საგანგებო სიტუაციების სამსახურის ცნობით, ხანძრის ჩაქრობაში სახანძრო-სამაშველო ბრიგადა იყო ჩართული. აღნიშნული კორპუსის მცხოვრებლები აცხადებენ, რომ ამ დროისთვის მოსახლეობის დიდი ნაწილი საკუთარ სახლებში დაბრუნდა.

მომხდართან დაკავშირებით, შინაგან საქმეთა სამინისტრომ გამოძიება „სისხლის სამართლის კოდექსის“ 188-ე მუხლის მეორე ნაწილით დაიწყო, რაც ცეცხლთან ან მომეტებული საფრთხის წყაროსთან გაუფრთხილებელი მოპყრობით ნივთის დაზიანებას ან განადგურებას გულისხმობს.



მოფრინეთში ორი სასოფრეო სახლი დაიწვა

ცოტანი ცაბაში 27 48 93

გამთენიისას ზინა ბახტაძე-ბერიძის საცხოვრებელი სახლის ცეცხლი მოედო. მეზობლები უმაღლეს სტიქიას შეებრძოლნენ, თუმცა აღმოდებული სახლიდან რამდენიმე ადამიანი გარდაიცვალა.

შეტყობინებიდან რამდენიმე წუთში შემთხვევის ადგილზე მესანძრეები მივიდნენ.

ცეცხლი მეზობლად არსებული ზებურ ბერიძის სახლზეც გადავიდა. შუახვევლ მესანძრეებთან ერთად სტიქიას უკვე ხულოვლი და ქედელი მესანძრეებიც ებრძოდნენ და მერაბ, თემურ

ბერიძეების სახლი დაწვას გადაარჩინეს.

შემთხვევის ადგილზე მივიდნენ შუახვევის მუნიციპალიტეტის საკრებულოს თავმჯდომარე როსტომ ლორთქიფანიძე, მერის მოადგილე გურამ ზოიძე და სხვა ხელმძღვანელები პირები.

საქველმოქმედო კამპანია ზავშვიტისთვის დაიწყო

დაიწყო გამოძიება 27 48 93

„გაღვივების“ ქსელში ბავშვებისთვის ტრადიციული, მასშტაბური საქველმოქმედო კამპანია დაიწყო.

19 დეკემბრიდან 15 იანვრის ჩათვლით, Gulf Club-ის ბარათით შეძენილი საწვავის თითოეული ლიტრიდან 10 თეთრი საქველმოქმედო ანგარიშზე ავტომატურად შეგროვდება და მთელი საქართველოს მასშტაბით 1000-ზე მეტ უკიდურესად გაჭირვებულ ოჯახზე გადანაწილდება.

კამპანიისთვის შეიქმნა სპეციალური პლატფორმა csr.gulf.ge სადაც ლაივ-რეჟიმში ყველას შეუძლია თვალი ადევნოს თანხის შეგროვების პროცესს. ასევე თითოეული მომხმარებელი ყოველ ტრანზაქციაზე SMS-ის სახით მიიღებს შეტყობინებას, თუ რა თანხას გადაიტანა კომპანიისთვის.

მპანია მისი სახელით და იმ მომენტისთვის რა თანხა მოხილავს. თანხა, რომელიც კამპანიის ფარგლებში შეგროვდება, 19 იანვრისთვის უკლებლივ ყველა ოჯახზე გადანაწილდება.

შაბათ-კვირის ქრონიკა

საქართველოს ადგილობრივი თვითმმართველობათა ეროვნული ასოციაციისა და MAC Georgia-ს ორგანიზებით გამართულ დასკვნით კონფერენციას, სახელწოდებით - „დამოუკიდებელი ცხოვრების ხელშეწყობა შეზღუდული შესაძლებლობის მქონე პირებისთვის“, ხელგაწერის მუნიციპალიტეტის მერი ზაზა დიასამიძე, სხვა მუნიციპალიტეტების პირველი პირებთან ერთად, საკანონმდებლო და აღმასრულებელი ხელისუფლებისა და თვითმმართველი ერთეულების, სამოქალაქო სექტორის წარმომადგენლებთან და დარგის ექსპერტებთან ერთად ესწრებოდა. ღონისძიება ამერიკის შეერთებული შტატების საერთაშორისო განვითარების სააგენტოს (USAID) მიერ დაფინანსებული დამოუკიდებელი ცხოვრების პროგრამის ფარგლებში მოეწყო. მომხსენებლებმა შეზღუდული შესაძლებლობის მქონე პირთა უფლებების სათანადო რეალიზებისა და მათთვის დამოუკიდებელი ცხოვრების თანაბარი შესაძლებლობების შექმნის მიზნით განხორციელებული პროგრამის მნიშვნელობაზე ისაუბრეს და აღნიშნული მიმართულებით, საქართველოში გატარებულ რეფორმებსა და გამოწვევებზე გაამახვილეს ყურადღება.

ენმ-ის ბათუმის ოფისში ნიკა მელია პარტიის ადგილობრივი წარმომადგენლებს შეხვდა. შეხვედრაში იური ნოზაძე, პარტიის ლიდერი ნიკა მელიას „ნაციონალური მოძრაობის“ ერთ-ერთი აქტივისტი მიხეილ სააკაშვილისთვის ბოდიშის მოხდას სთხოვდა. აქტივისტის განცხადებით, ნიკა მელიას ბრალი მიუძღვის იმაში, რომ უმოქმედოდა და მიხეილ სააკაშვილის გასათავისუფლებლად არაფერს აკეთებს, რის გამოც, სიტუაციის დაძვინკვანება იყო ადგილობრივი ორგანიზაციის ლიდერებსა და აღნიშნულ პირს შორის.

ბათუმში დასრულდა საქართველოს დამსახურებული მწვრთნელის, ჩემპიონთა თასის მფლობელი ვალერი ალთაბაგვის სსოფნო-სადმი მიძღვნილი ტრადიციული ტურნირი კალათბურთში. შეჯიბრება, რომელიც 2012 წლიდან ტარდება, 16 წლამდე კალათბურთელთა შორის გაიმართა და მასში კლუბი „ბათუმი“, „ბასკო 2019“, ქუთაისის და ფოთის გუნდები მონაწილეობდნენ. შეჯიბრება წაიგო „და ქუთაისმა“ ორ-ორი შეხვედრა მოიგეს და გადამწყვეტ მატჩში ერთმანეთს დაუპირისპირდნენ, რომელიც „ბათუმის“ გამარჯვებით 81:76 დასრულდა. მესამე ადგილისთვის შეხვედრაში კი ფოთელმა კალათბურთელებმა „ბასკო 2019“ დაამარცხეს. ტურნირის საუკეთესო მოთამაშე „ბათუმის“ კალათბურთელი დიანის გრიგორიანი გახდა. გამარჯვებულები და პრიზორები სხვადასხვა ნომინაციაში გამოვლინდნენ.

ბათუმის საკალათბურთო გუნდმა საქართველოს სუპერლიგის მე-9 ტურის მატჩში „ტიტანს“ უმასპინძლა და დამარცხებელი ანგარიშით 97-79 დაამარცხა. მასპინძლებს 16 ქულით, 5 მოხსნითა და 3 გადაცემით კაილი რილდომ ულიდერა, სტუმართაგან კი, 16 ქულით და 3 მოხსნით აკაკი ლომოური გამოირჩა. ამ დროისთვის შვიზღვისპირა რეგიონის სუპერლიგის სატურნირო ცხრილში 3 მოგებითა და 5 მარცხით მე-6 პოზიციაზე იმყოფებიან.

მისიჯი, როგორც მოსახლეობა უნდა მივიტანოთ

ქართული აქიზის დიდი წარმატება - ტუბერკულოზის მდლიკამენტური მკურნალობა 2 წლიდან 6 თვემდე შეამსირას

ზიარია ღაზლაძე 579 25 25 72

ვილტვის ტუბერკულოზი ჰაერით გადადებელი დაავადებაა, რომელიც გამოწვეულია მიკობაქტერია ტუბერკულოზის მიერ. დაავადება მსოფლიოში სიკვდილიანობის 10 მოწინავე მიზეზს შორისაა. იგი აგრეთვე წარმოადგენს აივ ინფიცირებულთა გარდაცვალების მთავარ მიზეზს.

ტუბერკულოზი განკურნებადი დაავადებაა. როგორც კვლევებმა აჩვენა, 2000-დან 2017 წლამდე მკურნალობამ მსოფლიოში 54 მილიონამდე ადამიანის სიცოცხლე გადაარჩინა, თუმცა ჯერ კიდევ არსებობს დიაგნოსტიკის, მკურნალობისა და პრევენციის გაუმჯობესების საჭიროება. შესაბამისად, არსებობს დამატებითი სამედიცინო ინფორმაციის გადაუდებელი აუცილებლობაც. მიმდინარეობს სხვადასხვა კვლევა ამ ინფორმაციის მისაღებად. აღნიშნული კვლევები ადგენს ტუბერკულოზის დიაგნოსტიკის, ახალი მკურნალობის უსაფრთხოების და ეფექტურობის გზებს. წარსულში, როდესაც არ იყო ტუბერკულოზის საწინააღმდეგო მაღალეფექტური სამკურნალო საშუალებები, დაავადებული მკურნალობას საავადმყოფოებში და სანატორიუმებში დიდი დრო სჭირდებოდა, მკურნალობა მიმართული იყო ორგანიზმის იმუნოტეტის ასამაღლებლად და გასაძლიერებლად, რათა თავად შებრძოლებოდა დაავადებას. ასეთი მიდგომა დღეს მსოფლიოში აღარ გამოიყენება. ახალი დიდლაინებით ტუბერკულოზის მკურნალობის პროცესიც შემცირებულია. თუ ადრე მკურნალობა ორი წლის განმავლობაში მიმდინარეობდა და ყოველდღიურად უამრავი მედიკამენტისა და გადასხმის მიღებას ითვალისწინებდა, ახლა სულ რაღაც 6 თვის განმავლობაში პაციენტს ტუბერკულოზისგან სრულად განკურნება შეუძლია. წამლების მიმართ მგრძობიარე ტუბერკულოზის სამკურნალოდ ამჟამად რეკომენდებულია რამდენიმე მედიკამენტით მთავარი მკურნალობა. თუ წამლების მიმართ მგრძობიარე ტუბერკულოზის მკურნალობა არასრულყოფილად ჩატარდა, გამოტოვებული დოზების, ან შეწყვეტილი მკურნალობის გამო პაციენტს შეიძლება განუვითარდეს დაავადების რეციდივი ანუ რელაფსი, ან განვითარდეს ტუბერკულოზის წამალგარე ფორმა. წამლების მიმართ მგრძობიარე ტუბერკულოზის მქონე პაციენტებს მკურნალობენ ყოველდღიურად, რიფამპინის შემცველი 6-თვიანი სამკურნალო რეჟიმით. ტუბერკულოზის მედიკამენტები, რომლებიც ძირითადად, გამოიყენება წამლების მიმართ მგრძობიარე ტუბერკულოზის სამკურნალოდ, არის შემდეგი: 1. იზონიაზიდო, 2. რიფამპინი, 3. პირაზინამიდი, 4. ეთამბუტოლი. ტუბერკულოზის ზოგიერთი ფორმა გამძლეა, ანუ არ პასუხობს ზოგიერთ ტუბერკულოზის მედიკამენტს. მულტირეზისტენტული ტუბერკულოზი გამძლეა რიფამპინისა და იზონიაზიდის მიმართ, რომლებიც პირველი რიგის ყველაზე ეფექტური ტუბერკულოზის მედიკამენტებია. რეზისტენტობა შეიძლება იყოს შექმნილი ან დადაცემული. აღნიშნული ფორმის ტუბერკულოზის მკურნალობა უფრო ხანგრძლივია და საჭიროებს მკურნალობას მეორე რიგის მედიკამენტებით, ზოგჯერ საინექციო მედიკამენტებითაც.

ამჟამად, რეკომენდებული მკურნალობის ხანგრძლივობა 9-დან 20 თვემდეა, რაც სიროტულეს წარმოადგენს როგორც პაციენტისთვის, ასევე ჯანდაცვის სისტემისთვისაც, ხანგრძლივობისა და მკურნალობის პროცესში განვითარებული არასასურველი მოვლენების გამო. პაციენტები და ჯანდაცვის მუშაკები თანხმდებიან, რომ ეფექტური ხანმოკლე სრული ორალური მულტირეზისტენტული ტუბერკულოზის მკურნალობის რეჟიმი დაენიშნება პაციენტს მკურნალობის დასრულებასა და სრულად განკურნებაში. აღნიშნულ ხანმოკლე რეჟიმს შეუძლია, შეამციროს რეზისტენტული ტუბერკულოზის გავრცელება. იმედისმომცემი „ახალი ხანმოკლე რეჟიმები“ ამჟამად შესწავლის პროცესშია მკურნალობის გამოსავლების გაუმჯობესებისა და დაავადების ტვირთის შემცირების მიზნით. ახალი რეჟიმები იკვლევს ისეთ მიმართულებებს, როგორცაა - საინექციო მედიკამენტების ამოღება და ახალი მედიკამენტების, ბედაქი-

ლინისა და პრეტომანიდის ჩართვა. პროფესორ ეკა სანიკიძის თქმით, ტუბერკულოზთან ეფექტურად ბრძოლისთვის აუცილებელია კონკრეტულ პაციენტზე ორიენტირებული მუშაობა, რაც იმას გულისხმობს, რომ ინდივიდუალურად უნდა მოხდეს პრობლემის შესწავლა და ამ პრობლემის მყისიერი მოგვარება, თუმცა თუ პაციენტი მკურნალობას წყვეტს, ან უარს ამბობს მედიკოსების დახმარებაზე, შესაძლოა შედეგები სავალალო აღმოჩნდეს.

- საქართველოში ტუბერკულოზის პროგრამა იმდენად წარმატებულია, რომ მსოფლიო ჯანდაცვის ორგანიზაციამ აღიარებს როგორც ყველაზე პროგრესულს, საუკეთესოს თავისი შედეგით. ამან გამოიწვია ის, რომ ეს მოდელი განდა სამაგალითო და ჩვენი ექიმები ატარებენ ტრენინგებს სხვადასხვა ქვეყანაში. ჩვენთან ჩამოვიდა პაციენტები იმისათვის, რომ განიკურნონ. ერთი პრობლემა მხოლოდ - პროგრამის გავრცელება, ცნობადობა მსოფლიოს მასშტაბით არ ხორციელდება. იმხელა წარმატებას მიაღწიეს ჩვენმა ექიმებმა და არავინ იცის ამის შესახებ. ახალმა გაიდლაინმა თავისი სიტყვა თქვა მსოფლიოში და ამაში ქართველი ექიმების დიდი წვლილია. ეს ხალხი არა მხოლოდ ექიმობს, არამედ ატარებს კვლევებს. ისინი არიან შეფასებულნი როგორც საუკეთესოები. უმაღლეს დონეზე აღჭურვილი ჩვენი ტუბერკულოზის ცენტრი. ნახველის ტრანსპორტირების უზრუნველყოფაშიც პირველები ვიყავით. პაციენტი რომ არ ჩამოსულიყო ნახველის ჩასაბარებლად, სპეციალური დანადგარი ხდებოდა ამ ნახველის ტრანსპორტირება და შემდეგ მასზე კვლევების ჩატარება. ტუბერკულოზის და მათი ოჯახის წევრები ინფორმაციულ ვაკუუმში არიან, რის გამოც სტიგმა მაღალია. სწორი მკურნალობის შემთხვევაში მე-5-6 დღიდან პაციენტი ვერ ასწებოვებს ჯანმრთელ ადამიანს. ის გამოყოფს ბაქტერიას, მაგრამ არ არის დაავადებული, მკვდარია ეს ბაცილა, ძალაგამოღებული. ამისთვისაა საჭირო ინფორმაციის გავრცელება, სწორად მიტანა ნებისმიერ პირამდე. მკურნალობიდან ორ თვეში



ტუბერკულოზით დაავადებულს შეუძლია ჩვეულებრივად გააგრძელოს ცხოვრება - იაროს სასწავლებელი, გააგრძელოს მუშაობა, მაგრამ მკურნალობა უნდა მიიყვანოს ბოლომდე. შესაძლოა მკურნალობის დაწყებიდან 2 თვეში პაციენტმა თავი იგრძნოს ბევრად უკეთ, ვიდრე თუნდაც დაავადებამდე. ამის გამო ხშირია მკურნალობის შეწყვეტა, ამ შემთხვევაში მიძინებული მიკობაქტერია იღვიძებს და ისევ იჩენს თავს. მთავარია, ეს მისი მივიტანოთ მოსახლეობამდე, რომ არ შეიძლება შუა გზაში მივატოვოთ მკურნალობის პროცესი. მედიას დიდი როლი აქვს ვირუსზე ცნობადობის გაზრდაში. ჯანდაცვის მენეჯმენტში ნობა და კომუნიკაციის სტრატეგია მნიშვნელოვანია, ეს არის მასმედიაზე დამოკიდებული. როდესაც ინფორმაცია სწორად გავრცელდება, ეს პრობლემა მალევე აღმოიფხვრება, - განაცხადა მედიცინის მეცნიერებათა დოქტორმა, პროფესორმა ეკა სანიკიძემ. შევასხენება, რომ ტუბერკულოზის მსოფლიოში ერთ-ერთ საშიშ დაავადებად ითვლება და ის დღემდე გლობალურ საფრთხედაა გამოცხადებული. მის დასამარცხებლად მეცნიერული კვლევები ისევ მიმდინარეობს.

აჭარის უმაღლესი საბჭოს მიერ ბავრსელის ინფორმაციით...

აჭარის უმაღლესი საბჭოს თავმჯდომარე დავით გაბაიძემ „ისრაელის სახლის“ ორგანიზაციის თბილისში გამართულ ბიზნესფორუმში მიიღო მონაწილეობა

საკანონმდებლო ორგანოს ხელმძღვანელმა ფორუმის მონაწილეებს აჭარის შესახებ ვიდეორგოლი წარუდგინა და ვრცელი ინფორმაცია მიაწოდა რეგიონში განხორციელებული მასშტაბური პროექტების, ბიზნესგარემოს ხელმისაწვდომობისა და სამომავლო პერსპექტივების შესახებ. მისი სიტყვებით, აჭარის რეგიონი ძალიან საინტერესო და მნიშვნელოვანი გეოგრაფიული მდებარეობით, ისტორიით, მულტიკულტურული საზოგადოებით, ტრადიციებითა და სტუმართმოყვარეობით გამოირჩეული მხარეა საქართველოში, რომელიც ბოლო წლებში ქვეყნის მთავარ სავაჭრო ბაზრად იქცა და მნიშვნელოვან როლს ასრულებს ეკონომიკის განვითარებაში.



„ფორუმზე საქართველოს პარლამენტის წევრებმა ვივი მიქანაძემ და დავით სონლულაშვილმა საქართველო-ისრაელის შორის არსებულ მეგობრულ და პარტნიორულ ურთიერთობებზე, საინვესტიციო და ბიზნესგარემოზე, ორ ქვეყანას შორის არსებულ სავაჭრო-ეკონომიკური კავშირების გაღრმავებაზე ისაუბრეს. ფორუმის მონაწილეებს ისრაელიდან შემოსული ინვესტიციით განხორციელებული წარმატებული პროექტების შესახებ ინფორმაცია საქართველო-ისრაელის ბიზნესპალატის პრეზიდენტმა იციკ მოშემ გააცნო. სამომავლოდ საქართველოს მიმართ ისრაელის ბიზნესწრეების დაინტერესების და ახალი კომპანიების მოზიდვის მნიშვნელობას გაუსვა ხაზი ქნესეთში ისრაელი-საქართველოს მეგობრობის საპარლამენტო ჯგუფის ხელმძღვანელმა დევიდ ბიტანმა.

ბიზნესფორუმის მუსიკალური პროგრამით გაიხსნა და ებრაულ დღესასწაულ „ხანუქის“ - სანთლის ანთების ცერემონიით დასრულდა“, - აღნიშნულია ინფორმაციაში.

ანიარა გურიელიძე

თქვენ როგორ ფიქრობთ? რატომ შეიძინა ზოგიერთმა ხალხმა ხელჯოხი მაშინ, როცა ფეხი არ სტკივს?

მანანა პიპიშვილი 598 24 94 97

დიდი ხანი არაა, რაც ოზურგეთი-ჩოხატაურის ტრასაზე ვიმგზავრე და გამოცა უპატრონოდ მიტოვებულმა ათობით ძაღლმა. რატომ იქცვიან ასე ადამიანები, რატომ წირავენ ოთხფეხა მეგობრებს. ეს, ერთი მხრივ, ძალიან ცუდია, მეორე მხრივ, დიდი პრობლემა გახდა უპატრონო ძაღლები ჩვენი ქალაქისთვისაც. ამ რამდენიმე დღის წინ, ზღვისპირა პარკში, ველოსიპედით სეირნობის დროს, ჩემს მეზობელს - 77 წლის კაცს, ერთად რამდენიმე ძაღლი გამოეკიდა. მან თავი ვეღარ შეიკავა, წაიქცა, ძაღლები ძლივს მოშორა, ხელფეხი დაისისხლანა...



ახლახან ახლობელს შევხვდი. ვხედავ, ხელჯოხი უჭირავს. ვიფიქრე, ალბათ, ფეხი იტკინა. მოვიკითხე და... იცით, რა მითხრა? ძაღლების მოსაგრიებლად შევიძინეო: „ამ ბოლო დროს ქალაქში ძალიან სერიოზულად დგას უპატრონო ძაღლების პრობლემა. გარდა იმისა, რომ ტროტუარები, სკვერები, მინდორი დასვრილია ფეკალიებით, პარკებში, ბაღებში ხეებსაც ვერ მიეკარები. არადა, ყველგან ხომ ჩვენი ბავშვები სეირნობენ, თამაშობენ. მეორე, არანაკლები პრობლემა ისიც, რომ ქალაქსა და ზღვისპირა პარკებში ძაღლები ჯგერდებიან, გამუდმულად გავლის საშუალებას არ აძლევენ. არაერთმა ადამიანმა შეიძინა ძაღლებსგან დაცვის სხვადასხვა საშუალება, მათ შორის, გასაშლელი ანტენა, ხელჯოხები. ბევრი აპირებს ელექტროშოკის შექმნას, რადგან ძალიან საშიში გახდა ქუჩებში, პარკებსა და სკვერებში გავლა. ძაღლები მისდევნენ ველოსიპედებს, მოტოციკლებს, მოპედებს, მათზე მსხდომ ადამიანებს გავლის საშუალებას არ აძლევენ. თუ ისინი მოიშორებენ, ძაღლები შეტევით სხვაზე გადადიან. მათი ნაკენი კი მოგხსენებათ, რა საშიშრეა. გასაგებაა, რომ ძაღლი ჩვენი მეგობარია და მათ დახოცვას არც არავინ ითხოვს, თუმცა ეს სერიოზული პრობლემა ცივილურად უნდა მოგვარდეს. ხელჯოხი

გუშინ შევიძინე, მანამდე გასაშლელი ანტენით დავდიოდი. რამდენიმე დღის წინ, ცნობილი „კუპატა“ ჯერ ქალბატონს გამოეკიდა, მერე მოპედს, მერე ჩემს გამოეკენა, შარფი მოვიძირე და უმისამართოდ ვიქნევი... მერე ეს ჯოხი შევიძინე. კიდევ ერთი - რატომ არავინ ამოწმებს ან აჯარიმებს პატრონებს იმის გამო, რომ ძაღლები ალიკაპის გარეშე გამოიყვანენ. მათგან ხშირად გაიგონებთ, არ იკბინებაო. ეს მათ არ აშართლებს. მე მეშინია და გინდ - იკბინებოდეს და გინდ - არა!“

P.S. ვფიქრობთ, ეს პრობლემა ამ ბოლო დროს სერიოზულად დადგა ქალაქში. რაღაც თუ არ მოგვარდა, მალე ყველგან გავლა ძალიან გაჭირდება. გთხოვთ, თემსათან დაკავშირებით მოგვეწეროთ თქვენი მოსაზრებები, წინადადებები, ჩვენ შესაბამის ორგანიზაციებს გადავუგზავნით. ეგებ, გამოსავალი ერთად ვიპოვოთ.

რეპონდენტის თხოვნით, სურათს მხოლოდ ასე ვაქვეყნებთ.



არგენტინა მსოფლიო ჩემპიონი

მანანა კიბიჭანიძე 598 24 94 97

18 დეკემბერს ყატარში ფეხბურთში მსოფლიო ჩემპიონატის ფინალური მატჩი გაიმართა არგენტინისა და საფრანგეთის ნაკრებებს შორის, რომელსაც ფეხბურთის გულშემატკივრები მოუთმენლად ელოდნენ

ფინალი სწორედ ისეთი გამოდგა, როგორსაც ნატრობს გულშემატკივარი - უზგვოლიანი და დაძაბული. გამარჯვებული ვერც დამატებითა დრომ გამოვიდინა და მხოლოდ პენალტების სერიაში გაირკვა 2022 წლის ყატარის მსოფლიო ჩემპიონატის უძლიერესი გუნდი...



პირველი გოლი ლიონელ მესიმ გაიტანა 23-ე წუთზე პენალტით, რასაც ისევ არგენტინელი დი მარიას 38-ე წუთზე გატანილი გოლი მოჰყვა. მე-80 წუთზე ისევ პენალტი დაინიშნა, ამჯერად არგენტინელთა კარში, რაც კილიან მბაპემ უნაკლოდ შეასრულა. ორი წუთიც არ იყო გასული, რომ კვლავ მბაპემ მიუთვალა თავის გულს კიდევ ერთი გოლი. გუნდები შესვენებაზე ანგარიშით 2:2 წავიდნენ. შესვენების შემდეგ, 109-ე წუთზე, ისევ მესიმ დააწინაურა თავისი გუნდი - 3:2, მაგრამ ცოტა ხანში ისევ დაინიშნა პენალტი არგენტინელების კარში, რომელიც მბაპემ კვლავ კარგად გამოიყენა, ანგარიში ისევ გათანაბრდა და... პენალტების სერიაში არგენტინამ იმარჯვა. ეს ამ ქვეყნის მესამე მსოფლიო ჩემპიონობაა. არგენტინამ პირველად მსოფლიო ჩემპიონის ტიტული 1978 წელს მოიპოვა, მეორედ - 1986 წელს.

„ლუსაილ აკონიკის“ პირამდე ავსებულ ფეხბურთის სტადიონზე (როგორც საინფორმაციო საშუალებები წერენ, ფინალზე 88 966 გულშემატკივარი შეიკრიბა), რომელთა შორის აშკარად მეტი ჩანდა ცისფერ-თეთრ ფერებში გამოწყობილი არგენტინის მომხრე, მთელი თამაშის განმავლობაში არ შეჩერებულა გამამხნეველი შედახილები და როცა პენალტებით გაი-

რკვა ჩემპიონის ვინაობა, ავგუნდა სტადიონი. არგენტინელი გულშემატკივრების 36 წლის განმავლობაში დაგროვილი ემოციამ ამოხეთქა. სწორედ ამდენი წელი ელოდა არგენტინა ამ ტიტულის დაბრუნებას. ორგანიზატორებმა პირველად მსაჯებს გადაუხადეს მადლობა და ეს მედლებითაც გამოხატეს, მერე საუკეთესო ახალგაზრდა ფეხბურთელი გამოვლინდა - იგი არგენტინელი ენცო ფერნანდესია. „ოქროს ბუცი“ გადაეცა კილიან მბაპეს (საფრანგეთი), ალსანიშნავია, რომ მან ამ მატჩში სამი გოლი გაიტანა, მაგრამ მსოფლიო ჩემპიონობა მაინც ვერ იხეიმა, საუკეთესო მეკარედ არგენტინელი ემილიანო მარტინესი დასახელდა, „ოქროს ბურთის“ მფლობელი კი ლიონელ მესი გახდა, მან ეს ტიტული 2014 წელს მოიპოვა (მსოფლიო ჩემპიონატის საუკეთესო ფეხბურთელის ჯილდო 1982 წელს დაარსდა).



გულოცავთ არგენტინელებსა და გულშემატკივრებს, მათ შორის საქართველოშიც, ამ დიდ წარმატებას!

ლაშა ტალახაძე - მსოფლიოს ექვსგზის ჩემპიონი

მანანა კიბიჭანიძე 598 24 94 97

ქართველმა ძალოსანმა, 29 წლის მსოფლიოს, ევროპისა და ოლიმპიურმა ჩემპიონმა, ლეგენდარულმა ძალოსანმა ლაშა ტალახაძემ კოლუმბიის დედაქალაქ ბოგოტაში გამართულ მსოფლიო ჩემპიონატზე (+109 კგ) ოქროს მედალი მოიპოვა და მსოფლიო ჩემპიონი ზედიზედ მეექვსედ გახდა.

ალსანიშნავია, რომ ჩვენი ძალოსანი ტრავმით ასპარეზობდა, რის გამოც დიდი უპირატესობა კონკურენტებთან, როგორც შეჩვეულები ვიყავით, არ ჰქონია, მაგრამ მან მაინც შეძლო ყველა დისციპლინაში (ატაცში - 208/215 და აკვრაში - 245/251 კილოგრამი) კარგი შედეგის დადება და ორტიდის ჯამში მოგროვილი 466 კილოგრამით კვარცხლბეკის უმაღლეს საფეხურზე ავიდა. ალსანიშნავია, რომ ლაშა ტალახაძემ პარიზის ოლიმპიური თამაშების ლიცენზიისათვისაც მნიშვნელოვანი ქულები მოიპოვა.

109 კილოგრამამდე წონით კატეგორიაში წარმატებით იასპარეზა ჩვენმა მეორე ძალოსანმა გიორგი ჩხეიძემ - მისი მონაგარი ორი ვერცხლის მედალია.

გუნდურ ჩათვლაში საქართველოს ნაკრებმა ვერცხლის მედალი მოიპოვა.



„ბენიოსის ღირსეული დამოკიდობა“

2022 წლის მსოფლიო ჩემპიონატზე არგენტინის გამარჯვებას ლეგენდარული ბრაზილიელი ფეხბურთელი რონალდო სოციალურ ქსელში გამოეხატა და „ალბისელესტეს“ კაპიტან ლიონელ მესის ეს დიდი წარმატება მიულოცა:

„ამ ბიჭის ფეხბურთი ნებისმიერ მეტოქეს კუთხეში აყენებს. ბევრი ბრაზილიელი, ისევე როგორც ხალხი მთელი მსოფლიოდან, ფინალში სწორედ ლეოს გულშემატკივრობდა. გენიოსის ღირსეული დამოკიდობა, რომელიც არა მხოლოდ საუკეთესო იყო მსოფლიო ჩემპიონატზე, არამედ მთელი ეპოქის კაპიტანია! გილოცავ, მესი!“

ახირან ბურიევიძე

ქალი - ფათერაკიანი თავბდასავლებითა და გამარჯვებებით

მანანა კიბიჭანიძე 577 20 35 90

ქალთა გაძლიერებისა და მათი სტიმულის ასამაღლებლად, ვაგრძელებთ წარმატებული და ძლიერი ქალების თქვენთვის გაცნობას. სწავლა-განვითარებისათვის ადამიანის თავგაწირული შრომა უკვალოდ რომ არ იკარგება, ამის არაერთი მაგალითი არსებობს, მათ შორის ჩვენ რესპონდენტ **მელანო ზოიძის**, რომელმაც ძალიან რთული და თავგადასავლებით სავსე გზა გაიარა მიზნის მისაღწევად, დღეს კი მისივე სახელობის ესთეტიკის ცენტრის მფლობელია. იხსენებს, როგორ დადიოდა ფეხით უნივერსიტეტიდან სახლამდე და პირიქით, ფული რომ დაეზოგა და 4 შვილისთვის საჭირო საკვები და სხვა საშუალებები ეყიდა. ამბობს, რომ ხასიათის სიძლიერე მამისგან გადაეცა, მრავალშვილიან ოჯახში ყველა მამაკაცი სპორტსმენია, თავდაც 9 წელი ვარჯიშობდა კარატეში, თუმცა მოგვიანებით სილამაზის ინდუსტრიაში სცადა ბედი და წლებია, ერთგულად ემსახურება საქმეს, რომელიც შვილივით უყვარს.



- დავიწყეთ თავიდან...
- დავიწყებ იმით, რომ ძალიან ბატარა ასაკში შეგქმენი ოჯახი - 17 წლისას უკვე პირველი შვილი მყავდა, 23 წლისას კი ოთხივე. სამი ვაჟის და ერთი ქალიშვილის დედა ვარ. ძალიან რთული პერიოდი გამოვიარე, ყველაფერი თან მოვყვე, რამდენიმე დღე არ მეყოფა, თანაც ამას ემოციების გარეშე ვერ შევძლებ და არ მინდა ვინმეს სევდა მოგვარო, პირიქით - მინდა ბევრი ქალისთვის იმის მაგალითი ვიყო, რომ არასდროს თქვან უარი ოცნებებზე. სწავლა, შვილები, ოჯახი, გაჭირვება - ყველა სირთულემ ერთდროულად გადაიარა ჩემს ზურგზე, მაგრამ არასდროს დავცემულვარ, ყოველთვის მჭეროდა უკეთესი ხვალისდელი დღის. სწავლის პარალელურად, მასაჟებს ვაკეთებდი, ოჯახებში დავდიოდი, საავადმყოფოშიც ვმუშაობდი... დღის განმავლობაში არაერთ ოჯახში მივდიოდი, ამიტომ „მარშრუტით“ გადაადგილებ-

ში ფულს არ ვხარჯავდი, არ მინდოდა, ბავშვები საკვებისა და პამპერსის გარეშე დამჩრინოდნენ. მასსოვს, პაციენტთან მსასუხე ვიყავი მისული, როცა საშინლად ამტკივდა მუცელი. რომ ვეღარ გავიყურე, რუმად გავედი სადარბაზოში და ნემსი გავიკეთე, მასაჟი დავასრულე, რომ იმ დღის ფული არ გამოეკეთა. ტკივილი არ გამიყურდა, იქვე, საავადმყოფოში მივედი, ცუდად ვარ და მიშველეთ-მეთქი. სასწრაფოდ საოპერაციოში შემიყვანეს, თურმე ბრმა ნაწლავი მქონდა გახეთქილი და უკვე სისხლი მეწამებოდა. ასე გადავრჩი არაერთხელ, ალბათ, იმიტომ, რომ ღმერთს ვუყვარვარ, მას არასდროს მივეტოვებოვარ. სწავლამ დიდი შედეგი გამოიღო, საკუთარი თავით კმაყოფილი ვარ, რომ არ დავნებდი და ყველაფერი ბოლომდე მივიყვანე. საექიმო დაგამაჯრე, ოჯახის ექიმად ვმუშაობდი, მაგრამ შემდეგ მასაჟისტობა ვარჩიე. ვხედავდი, რომ სილამაზის სფერო თანდათან უფრო შემოსავლიანი ხდებოდა და კოსმეტოლოგია შევისწავლე. 18-წლიანი გამოცდილება მაქვს, ამ დროის განმავლობაში ძალიან ბევრი ერთგული მომხმარებელი შე-

ვიძინე, მეგობრები, რომლებიც წლებია, მომყვებიან და საკუთარ გარეგნობას მანდობენ. იციან, რომ უღალატო ვარ, იციან, რომ ფული არასდროს ყოფილა ჩემთვის პრიორიტეტი, რომ მათთვის, ვისაც ნამდვილად სჭირდება ჩემი დახმარება, უარი არასდროს მითქვამს. სწორედ ამ ურთიერთობებმა მომიტანა მომხმარებლის ნდობა და სიყვარული, შემძლებინა ჩემი სახელობის ოთხი ცენტრის გახსნა ბათუმში.

- რა განცდაა, როცა, ამდენი სირთულისა და გამოწვევების შემდეგ, წარმატება მოდის?
- ყოველთვის მჭეროდა, რომ თავდაუზოგავი შრომა, ადრე თუ გვიან, დადებით შედეგს მოიტანდა. არ ვუშინდებოდი არცერთ სირთულეს, ყველა დაცემის შემდეგ უფრო გაძლიერებული წამოვდებოდი ფეხზე და გავაგრძელებ ბძოლას. ხშირად მეუბნებიან, შენს ადგილზე ამდენს აღარ ვიმუშავებდი, დავიშვებდიო. ადრე არ მქონდა საკუთარი არაფერი და თავდაუზოგავად ვმუშაობდი, ახლა მაქვს და უფრო მეტი უნდა ვიმუშაო, რათა მეტ ადამიანს დავეხმარო. ეს ცენტრი ჩემი მეზუთე შვილია, ამის გარეშე არ შემიძლია. აქ შემოსული თითოეული მომხმარებელი გულთ და სულით მიყვარს, ხანდახან პაციენტებს, რომლებიც გვიან ასრულებენ სამსახურს, შუალაშემდეგ დავლოდებოვარ. სწორედ ამ ურთიერთობებმა შექმნა ნდობა. მე და ჩემი ცენტრის მომხმარებლები ერთი დიდი ოჯახი ვართ.

- ის, რაც ყველაზე მეტად გსურს?
- ძალიან მინდა ბათუმში რეაბილიტაციის ცენტრის გახსნა. მჭერა, სურვილს ფრთებს შევასხამ. მინდა, ჩემს ცენტრში ყველაზე ხელმისაწვდომი ფასები იყოს, დაფინანსებით შევძლოთ პაციენტების მიღება და დახმარება. ჩემი ოცნებაა, რაღაც ისეთი ვაკეთო, რაც ჩემს ბათუმს, ჩემს ხალხს გამოადგება.

- გვიამბეთ სპორტსმენ მძებზე.
- ჩემი ოჯახის თითქმის ყველა მამაკაცი სპორტული ცხოვრებით ცხოვრობს. მამა - რა-

მაზ ზოიძე მსოფლიოს ხუთგზის ჩემპიონია ტიდაობაში და მჭერა, ოლიმპიადასაც მოიგებს. მეორე მძაც მოჭიდავეა, ინდოეთში ცხოვრობს და იქაურ ბავშვებს ავარჯიშებს ტიდაობაში. ჩემმა შვილებმაც ბიძების გზა აირჩიეს - უფროსი მოკრივეა, მეორე - მოჭიდავე, მესამე ცოტა ზარმაცი გყავს, რაც შეეხება ნაბოლარა გოგონას, კარგად სწავლობს, უნდა, ქირურგი გამოვიდეს. ხშირად ვეუბნები შვილებს, არავისი არაფერი შეუურდეთ, დაუღალავად იშრომონ და აუცილებლად მიადევნენ წარმატებებს საქართველოს თუ მსოფლიოს მასშტაბით. ყველა ვერ იქნება დიპლომიანი, მაგრამ აუცილებლად უნდა იყოს ადამიანი, თავისი საქმის პროფესიონალი. ხშირად ვამბობ, რომ მინდა, ძმის მსგავსად, მეც ჩემს საქმეში ვიყო ჩემპიონი. ბედნიერი ვარ ჩემი ოჯახით, მეუღლით, შვილებით, ძმებთან, დედას, მშობლებით, რომლებმაც მებძოლი სულის ადამიანებად აღვზარდეს. მჭერა, წინ არაერთი წარმატება გველოდება, რადგან არასდროს გვაყოფილდებით მიღწეულით. დარწმუნებული ვარ, მიზნისკენ მიმავალ გზაზე გამოწვევებს თუ არ შევუშინდებთ, აუცილებლად გაიმარჯვებ, რაც შემდგომი გამარჯვებების სურვილს ასამაგებს.

- რჩევა - ქალბატონებს.
- ჯერ პროფესიულ რჩევას მივცემ და ვეტყვი: ქალბატონებო, გაიკეთეთ ყველა პროცედურა, რაც ბედნიერად გაგრძობინებთ თავს, მაგრამ შეინარჩუნეთ ზომიერება. პირველ რიგში, სხეულის შინაგანი ჯანბრუნებლობა აუცილებელია, გარეგანი ეგვიტების მისაღწევად კი უამრავი საშუალება არსებობს, მთავარია, არ დაჯიკაროთ ინდივიდუალიზმში, რაც სხევისგან გამოგვარჩევს. ყველა ქალბატონმა უნდა ირწმუნოს საკუთარი შესაძლებლობები, არ დაწებდეს სირთულეს, ნუ შეეშინდება მარცხის, რომელიც მას აუცილებლად გააძლიერებს. მინდა დამევი შობა-ახალი წელი მოგილოცოთ და, პირველ რიგში, ბედნიერება ვისურვებთ. ბედნიერ ქალს, ამთების გადადგმა“ შეუძლია.